


叢書集成續編

第二三三冊目錄

史地類



水

今水經注四卷·····	清	吳承志纂	求恕齋	一
河賦注一卷·····	清	江藩撰	藕香	五三
江源記一卷·····	清	錢坤注	昭代	六三
西域水道記校補一卷·····	清	查拉吳麟撰	晨風閣	六九
三江考一卷·····	清	徐松撰	檀几	七九
東河權歌一卷·····	清	毛奇齡著	武林掌故	八五
續東河權歌一卷·····	清	姚思勳撰	武林掌故	一〇七
汴水說一卷·····	清	丁丙撰	昭代	一二三
漢水發源考一卷·····	清	朱際虞撰	昭代	一二九
東西二漢水辯一卷·····	清	王筠撰	昭代	一三七
東西二漢水辯一卷·····	清	王士禎撰		

水利

四明它山水利備覽二卷附校勘記一卷·····	宋	魏峴撰	四明	一四三
三吳水利條議一卷·····	清	徐時棟撰	昭代	一八一
甬上水利志六卷·····	清	錢中諧撰	四明	一九五
西湖水利考一卷·····	清	周道遵撰	武林掌故	二九九
西湖水利考一卷·····	清	吳農祥撰		

關中水利議一卷	清	張鵬飛撰	關中	三〇七
畿內治河記一卷	日	新井君美著	甘雨亭	三一九

西湖

西湖遊華幸記一卷	宋	周密撰	香豔	三三一
錢塘西湖百詠一卷附楊公濟原唱一卷	宋	郭祥正撰	武林掌故	三三五
西湖百詠二卷	宋	董嗣杲撰	武林掌故	三四五
西湖竹枝集一卷	明	陳贊和	武林掌故	三八一
西湖游覽志二十四卷志餘二十六卷	明	田汝成輯	武林掌故	四〇五
西湖遊詠一卷	明	田汝成撰	武林掌故	六二七
西湖八社詩帖一卷	明	黃省曾撰	武林掌故	六三九
西湖夢尋五卷	明	祝時泰等輯	武林掌故	六五九
西湖月觀紀一卷	明	張岱纂	武林掌故	七二五
西子湖拾翠餘談三卷	明	陳仁錫撰	武林掌故	七三七
西湖冶興二卷	明	汪砢玉著	武林掌故	七六三
遊明聖湖日記一卷	明	王瀛撰	武林掌故	七七五
	明	浦昉著	武林掌故	七七五

2259/02

壬戌仲春



今水經注

余肇康題



南林
劉氏
求恕
齋刊

昔黃南雷先生嘗病鄭善長注水經多空言而無事實
爰作今水經條貫諸水窮源按脈由今以溯古即沿古
以知今蓋通儒經世之學與鄭亭異趨矣黃氏成書於
康熙之初越今二百有餘歲河屢決黃流改道灤白衛
河桑乾淮泗汝潁諸水通徙靡常形勢遷貿今昔殊異
後有作者疏通而證明之補前哲之闕釋後來之疑亦
不朽業也吳祁甫廣文研精地學數十寒暑終老於平
陽補松吳丈求其遺書得山海經地理今釋今水經注
手彙大都零帙斷紙卒不可臆理丈爲之整比逐錄謀

今水經注序

一求恕齋

於承幹承幹既校刊山海經地理今釋繼續此注北水
具備南水則闕而未詳丈之言曰吾檢是彙蓋疏一水
爲一紙或先後凌雜或塗乙難辨乃一一排比審定之
其爲注也據今日地形水道求合於古百數十年來徙
變通漚之迹異同離合之故根據明確若指諸掌繁稱
博引至繁千百言黃氏考古偶疏者闕亦有所糾正雖
曰闕而未完又奚忍聽其沈寢煙晦龜蟬蠹之腹乎承
幹大遯之爰并以此注授之手民用副吳丈重愛亡友
之誼無負廣文窮老著書之苦心廣文同里譚復堂先
生讀黃氏書稱其脈地志里尋水禹蹟世有山川能說

閱覽博聞以爲之注豈不高出鄭大使上廣文稍晚出
一官海隅埋首纂述性孤介不與時流競聲譽故知之
者益鮮嚮使復堂見此注當心折駭歎且以爲前賢畏
後生也歲在辛酉貞元節吳興劉承幹序

今水經注序

一求恕齋

今水經注卷一

求恕齋叢書

錢塘吳承志纂

吳興劉承幹校

北水

河水源出吐番桑甘思之南曰星宿海四山之閒有泉百餘泓涌出匯而爲澤方七八十里登高望之若列星故名火敦腦兒

譯言星宿

河水源出今青海玉樹土司境巴顏哈喇山東麓噶達素齊老山飛泉百道自崖壁上涌出東南流爲阿爾坦河其上源曰羅布淖爾在吐魯番屬西南古勃

今水經注卷一

求恕齋

澤也亦曰鹽澤又曰蒲昌海或謂之牢蘭海有數大源北源曰開都河古敦薨水山海經北山經敦薨之山敦薨之水出焉西流注於勃澤出於昆侖之東北隅實惟河源董氏祐誠水經注圖說云敦薨水今海都河是也西源曰喀什噶爾河曰葉爾羌河古通謂之蔥嶺河漢書西域傳河有兩源一出蔥嶺山屬道元水經注云河水自蔥嶺分源逕歧沙谷出谷分爲二水一水東流逕無雷依耐蒲犁皮山與于闐河合北河東北流自疏勒逕溫宿姑墨龜茲墨山注寶樓蘭注于勃澤北河卽喀什噶爾河南河卽葉爾羌河

徐氏松西域傳補注云河有三源出蔥嶺者二是也南源曰和闐河古于真河史記大宛傳張騫言于真之西水皆西流注西海其東則東流注鹽澤西域傳于闐在南山下其河北流與蔥嶺河合于闐卽于真三源各流數百里納阿克蘇克里雅諸河合爲塔里木河至哈喇沙爾城東南匯爲淖爾淖爾表二百餘里承二千里長源之水渟而不流其東南皆戈壁沙流無定時有小水上泛成澤西山經云不周之山東望勃澤河水所潛也其源渾渾泡泡大宛傳云鹽澤潛行地下西域傳云蒲昌海廣袤三四百里其水停

今水經注卷一

二求恕齋

居冬夏不增減皆以爲潛行地下淖爾納受諸水潛流地中自周秦至漢並無異說北山經出於昆侖之東北隅此昆侖卽巴顏哈喇西南大山東北隅卽噶達素齊老謂潛流至此始出也西域傳作出于積石彼時昆侖之名移於于真故變文言之大宛傳天子案古圖書名河所出山曰昆侖漢武所名昆侖自是于真南山水經注引釋氏西域記作阿耨達山今日大雪山距山經昆侖凡三千餘里西山經昆侖之邱河水注焉南流東注于無達海內西經海內昆侖之虛河水出東北隅以行其北東南又入渤海又出海

外卽西而北入禹所導積石山兩經所云昆侖皆卽北山經之昆侖惟東南傳本誤作西南當從水經所據訂正淮南子地形訓河水出昆侖東北阪貫渤海入禹所導積石山淮南衍經文改出入爲貫渤海爲河水所行大澤甚明圖說云阿勒坦河穿鄂敦他拉海而東瀦爲札凌海又東爲鄂凌海折而南逕蒙古爾津土司卽經所謂東南流入渤海又出海外也河水貫札凌鄂凌二淖爾出海外卽西而北自謂遼阿木柰瑪勒占木遜山折東而西折西而北徐堅初學記地部引河圖云黃河出昆侖山東北角剛山東以

今水經注卷一

三求恕齋

北流千里折西而行阿木柰瑪勒占木遜山上距曠達素齊考天池正千里而遙準以地望古今不殊高誘注淮南不知渤海卽本書及北山經所謂海澤誤以爲東海之別又據漢武所名昆侖爲于賓南山因云渤海大海也河水自昆侖由地中行禹導而通之至積石山書曰導河積石入猶出也渤海據尾言積石又據首言兩文隔不相應水經知其譌失又附會大宛傳安息長老傳聞條文有弱水西王母魚鱗魏略大秦西有海水海水西有河水之說移昆侖於西海以外云昆侖虛去嵩高五萬里河水出其東北阪

屈從其東南流入渤海又出海外南至積石山下有石門又南入蔥嶺山又從蔥嶺出而東北流其一源出于闐國南山北流與蔥嶺所出河合又東注蒲昌海又東入塞積石在蔥嶺于賓西北與舊說全同郭璞傳海內西經調停衆家云言海內者明海外復有昆侖山去嵩高五萬里見禹本紀昆侖分海內海外河水亦當從之而分今云入渤海河水出海外昆侖入禹所導積石山河水出海外昆侖河水下流合一昆侖如何分劃爲二禹本紀昆侖去嵩高五萬里據地形訓昆侖虛中有增減九重其高萬一千里百一

今水經注卷一

四求恕齋

十四步二尺六寸或上倍之是謂涼風之山登之而不死或上倍之是謂懸圃登之乃靈能使風雨或上倍之乃維上天登之乃神昆侖去懸圃四萬四千里去嵩高五六千里合併得五萬里大宛傳贊引紀云河出昆侖昆侖其高二千五百餘里日月所相避隱爲光明也其上有醴泉瑤池贊駁元封所名昆侖不及此文蓋以二千五百里以上皆憑算推測非有實指地形訓詳言其數時則訓又云中央之極自昆侖東絕兩恆山西方之極自昆侖絕流沙沈羽西至三危之國昆侖爲中西二極之交距碣石止萬二千里

亦不數增城懸圖傳以虛辭爲實可謂不審北山經
昆侖河源在勃澤之下如傳說海內昆侖亦須分爲
二山不然勃澤伏流南出積石豈能還入蔥嶺于賓
廊氏沿襲郭注於本書所據舊文異同離合俱未根
考又援誤本淮南注及僞東方朔十洲記晉以後外
國圖爲證益糾結難解杜佑通典據吐番聘使說斥
鄯往不能詳正是已又謂山經昆侖非河本源仍爲
傳說所蔽歐陽忼與地廣記云河水出昆侖自古言
者皆失其實唐劉元鼎爲吐番盟會使言河之上流
由洪濟梁西南行二千里水益狹冬春可涉夏秋乃

今水經注卷一

五求恕齋

勝舟其南三百里三山中高而四下曰紫山直大羊
同國古所謂昆侖者也虜曰悶摩黎山東距長安五
千里河源其間劉說見唐書吐番傳較通典爲詳悶
摩黎山卽山經昆侖西域傳謂之積石者以爲自古
失之亦目睫之見也舊唐書侯君集傳君集轉戰過
星宿川至于柏海北望積石山觀河源之所出詳傳
說君集已先至其地星宿川卽鄂敦他拉柏海今額
勒蘇池積石非巴顏哈喇山而何唐宋人不知古昆
侖因并不知漢人所名積石元史地理志載潘昂霄
所記都實說河源在土番朶甘思西鄙有泉百餘泓

沮洳散渙不可逼視方可七八十里履高山下瞰若
列星以故名火敦腦兒火敦譯言星宿也東北有大
雪山名亦耳麻不莫刺其山卽昆侖亦耳麻不莫刺
其山卽遠阿木奈瑪占木遜山乃山經積石火敦腦
兒卽星宿川今譯本作鄂敦諾爾都實以其沮洳散
渙不可逼視指此爲源不復上溯 國朝康熙四十
三年遣侍衛拉錫往青海始迹得阿爾坦河在鄂敦
他拉西北尙三百里河源左右諸山總名枯爾坤卽
昆侖之轉音乾隆四十七年遣侍衛阿彌達再往并
上源之羅布淖爾得之 御製詩文令兵部侍郎

今水經注卷一

六求恕齋

紀昀等撰爲河源紀略古說以顯經所據乃元志舊
文西鄙改易作南從宋史河渠志而譌悶摩黎山錢
理志云卽大積石山今從提綱大積石山去洪濟梁
無二千三百里之遙也西域傳積石卽巴顏哈喇山
詳其成氏替鏡
禹貢班義述

其地在中國西南直四川馬湖府之正西三千餘里雲
南麗江府之西北一千五百里

此據元志注朱思本說惟改馬湖蠻部爲馬湖府明
一統志云元馬湖路屬敘南等處蠻夷宣撫司本朝
洪武四年改爲府

較之昆侖殆爲近焉

此總說元以前諸書所名之昆侖

東北流百餘里匯爲巨澤

巨澤卽札凌鄂凌二澤爾齊氏召南水道提綱作查靈鄂靈二海云各周三百餘里元志近五十里匯二巨澤名阿刺腦兒自西而東連屬吞噬阿刺腦兒卽鄂凌淖爾不云札凌蓋失其名也志又引思本說河水從地湧出如井其井百餘東北流百餘里匯爲大澤曰火敦腦兒與潘記不同西域傳補注云鄂敦塔拉又東南流百三十里潞爲札凌淖爾又出淖爾東南流折而南五十里潞爲鄂凌淖爾札凌淖爾距星

今水經注卷一

七求恕齋

宿海正百餘里則火敦當爲札凌之誤東北當作東南

又東流號赤賓河又東忽蘭水合乞里出河來入之其流寢大始名黃河

忽蘭水今呼藍河提綱云源出盛吞池西流環折而北而東北有枯得勒古河自東南盤旋來會又北受一小水又東百餘里東南流入河元志敘此文云水南來名忽蘭又水東南來名也里朮合流入赤賓則會合忽蘭之水卽枯得勒古也此經作乞里出涉後文而譌宋志亦作也里朮今譯本元志作伊拉齊

又東北分爲九派復合爲一水始渾濁

元志云歧爲八九股名也孫幹倫譚言九渡宋志云東北流爲九渡河並無復合爲一水之文李氏兆洛皇朝一統輿地全圖自呼藍河以下有小水十數流入於河不知孰爲歧出之派

又東行二十日至大雪山名騰乞里塔卽崑崙也

大雪山今阿木奈瑪勒占木遜山卽西山經所云積石之山其下有石門河水冒以西流者提綱云元史誤指爲崑崙黃河依山南麓東流折而東北至烏藍莽乃山下始折而西北流古言河遠崑崙之三面如

今水經注卷一

八求恕齋

玦然實禹貢導河之積石山非崑崙也河圖名此曰角剛山

繞崑崙之南折而東亦八思河入之

元志注思本曰河過關提與亦西八思今河合亦西八思今河源自鐵豹嶺之北正北流凡五百餘里而與黃河合亦西八思今河蓋今西拉流也

又折而北納鄰哈喇河入之哈喇河出西番白狗嶺北西北流五百餘里入河又折而西乞里出河入之又西鵬移河入之鵬移河出西番鵬移河西流七百餘里入河

乞里出元志注作乞里馬出云源自威茂州之西北

岷山之北水北流卽古當州境正北流四百餘里折而西北流又五百餘里與黃河合此經注文不齊疑傳寫奪之拉錫圖西拉河下有三星都倫河提綱云三星都崙河一曰德誠崙多崙出賴杆山西北流三百餘里入黃河卽元史納鄰哈喇河一曰多母達土崙多崙源出納克多母精山西北流屈曲三百數十里入黃河當河流自南轉東北處卽元史乞里馬出河一曰多洛崙都崙源出剛出山西北流二百餘里折西流又三百數十里折而北流百里會東來池泉水西北入黃河正當大河於烏藍莽乃山麓折而西

今水經注卷一

九求恕齋

北流之處卽元史鵬穆河三水留急而深相距各百里土人總名爲古爾板崙都崙河崙都崙卽崙都崙一作崙多崙譯文不同爾

過大通城遼水西來入之

遼水出西甯州宿軍谷東流五百里入河

宋史地理志樂州舊遼川城乾隆一統志直省地理志云碾伯縣宋樂州碾伯在今西甯府東一百二十里遼水自其南入河蓋卽今巴燕戎格廳西之克羣河也大通城在河州西宋志舊名達南城崇甯二年收復改今名元志注云過西甯州貴德州馬嶺不著此城蓋其時已廢矣

又東北至陝西河州城又東北逕八十里積石山

又東北逕八十里黃氏璋校云別本無又東二字及下逕字今河州城在積石山東南七十里別本是也積石山本名唐述山閻氏若據尙書古文疏證引黃氏儀云唐儀鳳二年置積石軍於靖邊城始移其名張守節史記正義引括地志云小積石山在枹罕縣西北唐人目此爲小積石山矣

又東北過西甯衛南鳳林河從南來入之

王氏鴻緒明史彙地理志西甯衛東南有大臣城經於此始云過衛南自其大略言之也鳳林河在今巴

今水經注卷一

上求恕齋

燕戎格廳東南入河水經注河水又東歷鳳林北又東與離水合說云水今日大夏河源出循化廳西南邊外山曰蒼蘇爾海阿林水日和爾藏必拉東流逕廳南又東北流逕河州南折北流逕州東及東北入河

湟水合浩疊河從北來入之

浩疊河自甘肅經山丹永昌涼州至河州北會湟水入于河湟水源自西番經西甯州南過河州北入浩疊河

漢書地理志浩疊水出西塞外東至允吾入湟水陳氏禮水道圖說云今甘肅大通縣大通河出青海西北境東南流至巴燕戎格廳與湟水合此注云湟水

入浩疊河以大通河源流視湟水尤長也甘州山丹永昌涼州俱據外之地言之今大通河自青海東流逕和碩特前左翼頭旗北又東逕和碩特右翼前旗南又東逕和碩特東上旗北又東逕大通縣南又東南逕碾伯縣東平番縣西又東南逕莊浪縣西南碾伯縣東南入巴燕戎格廳境大通以上無逕內地之流

又東過蘭州經靖虜衛北五里金水注之

明史地理志金縣北有大河東北流亂山中入靖虜衛界靖虜衛西南有祖厲河東北有亥刺河皆注於

今水經注卷一

三求恕齋

大河河水先逕金縣後至靖虜衛境衛南有祖厲河源出會甯安定二縣山中匯納泉流西趨入河金縣之水不得越此而北提綱云黃河經金縣北境有水自南來注之卽浩尾河也又北流循長城西北至靖遠衛南之虎豹口西北有十字河自東合會甯安定二縣水及渭河西北流注之此經似當云過蘭州金水注之又北經靖虜衛南五里會甯水合安定河注之也靖虜衛今靖遠縣

過甯夏衛城東南四十里至衛境東北出塞外經沙漠

三受降城折而南入山西境豐東勝州

宋志黃河東經三受降城豐東勝州折而南此經文所本胡氏渭禹貢雖指云河逕甯夏衛東南又北逕平羅所東又北逕榆林衛西出塞逕廢豐州西折而東逕三受降城南折而南逕廢勝州東入塞又兼本此經也豐字或誤作山甯夏榆林二衛今皆爲府平羅所爲縣同治輿地圖河自靈州橫城堡西折而北逕長城斷處過甯夏縣東至平羅下省嵬口東北流出塞入鄂爾多斯右翼中旗界又東北逕後旗界李氏兆洛歷代地理志韻編今釋云唐豐州地河循色爾彌哈拉山西麓至白塔東歧分爲二西派注騰格

今水經注卷一

三求恕齋

里鄂謨提綱云卽古窳渾之屠申澤也河出鄂謨東北會阿爾坦河又東北爲庫庫鄂謨折東流與東河會東派於庫庫鄂謨南又別爲二支一支逕後旗北水經注圖說卽古南河一支又逕其北水經注無此河兩河相距八十里河行兩枝渠北吳氏熙載通鑑地理今釋云五受降城在河北岸水經注河水又屈而東流爲北河東逕高關南又東逕臨河縣故城北圖說云高關今阿爾坦山元和郡縣志西受降城漢臨河縣故理蓋臨河兼有北河地也故城當在兩河之間按李吉甫志云西受降城在豐州西北八十里

蓋漢朔方郡地臨河縣故理處如李說城卽臨河舊址圖說分別言之者以受降三城俱在河北臨河在北河南於地形似不相合詳志文自云故理又東南距豐州里數甚明若移置北河以北距南河已百里而遙焉得至豐州反近止八十里通典云豐州西至黃河百三十里北至黃河四十里東北至黃河八十里以是推之西受降城自在兩河之間唐書張仁愿傳云河北者河流代有遷徙唐時故道與北魏時不同今之河道與唐時又不同耳雖指地理今釋俱混言南北考之不審元和志又云西受降城開元初爲

今水經注卷一

三求恕齋

河水所壞十年總管張說於故城東別置新城今城西南隅又爲河水所壞城東尙有新城亦名西受降城今悉無跡河東逕翁金碩隆山南又東分流復合至鷓鴣爾和碩南大漢得兒山西南折東南流又分而合而復分至烏喇特旗西墨爾楚克賀邵山北折西南流枝河合西分一渠來會又西南南河亦來會三流合爲一東南流五十里折東流河曲南直榆林懷遠縣張仁愿傳云中城南直朔方朔方今懷遠也雖指圖中受降城在北河東逕巴爾朱海城南又東逕謨爾根嶺南崑都崙河自北來注之又東逕茂

明安旗南鄂爾多斯左翼後旗北地理志韻編今釋云唐勝州地通典勝州東至黃河四十里北至黃河五里西北至黃河二十里勝州東北濱河樂史太平寰宇記云勝州正北至黃河五里去東受降城八里元和志云東受降城在榆林縣東北八里榆林勝州郭下是勝州渡河三里卽東受降城今河自蝦蟆兒拜商東會蘇爾哲河又東會邁達里河東受降城故城宜在兩河之間胡三省通鑑注東受降城在勝州東北二百里據賈祿後徙置而言唐書地理志云寶祿元年振武節度使張惟清以東城濱河徙置綏遠

今水經注卷一

西求恕齋

烽南城徙東北百九十里故二百里也元史地理志東勝州下云唐徙東受降城於綏遠烽南卽今州治韻編今釋東勝州今歸化城西南一百四十五里東受降新城於元爲東勝州治注文東北當作東南或志說有誤河東逕西拉德布色克山南入歸化城薩拉齊屬境李氏兆洛地理沿革圖遼豐州地河東會圖爾根河轉東南流提綱云過古東勝州境稍折而東而南至湖灘河朔渡口卽古君子津東勝在圖爾根河南西岸爲左翼後旗接前旗界河東南會烏藍木倫河逕前旗東清水河廳西又南卽平魯縣邊牆

外地矣儲氏大文河套志序云河套袤二千里明
圖志亡佚故也

懋廢武州西北二百五十里過延安府綏德州境東

河自偏關縣老牛灣堡西流入長城洪氏亮吉乾隆

府廳州縣圖志云偏關縣五代北漢置偏頭寨金屬

武州元改砦爲偏頭關明成化二年置偏關所又神

池縣下云後周神武縣遼復置并置武州經云廢武

州據遼金元言也一統志表平魯縣金武州甯遠縣

北境是平鹵衛武州所轄兼有長城外地明志臺繫

平虜衛於大同下云西有大河又繫偏頭關於曲河

今水經注卷一

王求恕齋

下云北有關河西北流入大河據明立文當云河曲

或平虜衛偏關所矣

吃那河合著延水自河套北來入之吃那河自甯州東

水西來入之又東流逕銀州入綏德州境東南流入於河

水經注有著延水黑水元和志夏州朔方縣云州南

無著延水唯無定河卽著延水也烏水出縣黑澗東

注著延水本名黑水烏水卽吃那河提綱云無定河

有二源西源曰額圖渾河古著延水也出河套右翼

前旗賀道圖山東入懷遠堡邊城爲恍惚都河又折

東北至波羅營與北來海留圖河會海留圖卽東河

古黑水也亦名吃那河出前旗虎喇虎之地與西北

來之納林河及西喇烏蘇河會東南入榆林邊兩源

既合爲無定河自榆林南東南流經米脂西南又東

南入綏德州境經以源出塞外故舉古州表之

河水又南流逕延川縣東延水入之延水源自延安府

嶺東南流入甯塞縣境逕延長縣入於河河水又南逕石州甯鄉西入平陽

府境逕石樓永和甯縣

乾隆府廳州縣圖志永和縣黃河自汾州府石樓縣

南流入縣西七十里與延川縣對岸錐指云東南逕

綏德州東其東岸則臨縣永甯州甯鄉縣又南逕清

今水經注卷一

王求恕齋

瀾縣東又南逕延川縣東又南逕延長縣東其東岸

則石樓縣永和縣大甯縣經先延川延長後石州甯

鄉石樓非其次也明志萬祿二十三年改石州曰永

甯州又云汾州府石樓本屬隰州萬祿二十四年改

屬經所據亦李賢等明一統志舊文

洛水西來入之洛水源自慶陽府界東南流逕

邠州同官過朝邑縣南東入河錐指云洛水逕朝邑縣西之朝坂南自趙渡鎮歷華

陰縣西北葫蘆灘入渭明成化中改流東過鎮南逕

趨於河畢氏沅山海經新校正云考阜昌禹跡圖石

刻已在同州南入河則宋金時改流也漢志水道圖

說云北地郡歸德洛水出北轅夷中入河左馮翊襄
德洛水東南入渭云入河又云入渭者其正流入河
又自今朝邑縣分一派東南流入渭也說文云洛入
渭其時入河一派已塞今入渭一派復塞而入河一
派復通蓋二派互為通塞矣

陳水西流入之

陳水源出絳縣為絳水逕聞西夏縣安昌橋氏臨晉至蒲州入於黃河

顧氏祖再讀史方輿紀要云陳水在蒲州東十里有
孟盟橋其上流即絳水趙氏一清水經注釋云觀道
元注絳水出絳山下流入澮澮入汾汾入河不與陳
水合也狄氏子奇國策地名考箋云今絳水與陳水

今水經注卷一

七求恕齋

合西南流直達大河不由澮分與古道不同

又東逕孟縣南又東逕洛陽北洛水從南來注之河水
又東逕鞏縣北溫縣南過汜水縣北濟水從北來注之
鄭樵通志地里略河水東為孟津又東過河陽縣南
洛陽縣北又東過溫縣湨水從西北來入焉又東右
過鞏縣洛水從西南來入焉左地成皋縣北沔水從
北來入焉成皋今孟州汜水此經純襲彼文惟移洛
水於洛陽之次為異下經云洛水過鞏縣東又北入
于河與鄭符合疑此文本作湨水從西北來注之因
湨字或本作沮或又作湨懸而未定後人不知誤刪

其句而以下文洛水補之爾濟水在汜水縣北入河
據今廣濟河而言水經亦載兩濟口濟水下云鞏縣
北河水下則云成皋縣北鄭氏始合為一蓋東渠至
元魏時已絕今復通矣通志略于沔水條云至鞏成
皋開入河失未分析又此條敘孟津于河陽洛陽之
上與水經注不同未詳其據經作孟縣據今地立文
洛陽自在孟縣西南不得先孟縣後洛陽也

至武陟縣東沁水從北來注之河水又東過中牟縣北
汴水入焉

漢志沁水至滎陽入河圖說云漢時沁水自今武陟

今水經注卷一

七求恕齋

縣又東流至今滎澤縣其時河水過此沁水於此入
河水經河水過武德縣東沁水從西北來注之與今
口也武陟以下河流屢易經所著
皆後徙之迹中牟汴水說具下經

河水逕開封府至兗州府曹縣界分為二派其一東北
流過濮州境東南六十里同北清河一名會通河合衛以入
海其一東南流至徐州同南清河一名由淮以入海

宋志熙甯十年河道南徙東匯于梁山張澤澤分為
二派一合南清河入于淮一合北清河入于海凡灌
郡縣四十五遣使修閉朱子語錄云看劉樞家中原
圖黃河卻自西南貫梁山伯迤邐入淮來南北兩宋

河決俱自梁山張澤濤分入南北清河經云至曹縣界所據乃元明河道也元初何勢南趨至元二十六年開會通河北派已微至正四年決自茅金隄始徙而北漕運使賈魯議挽河東行十一年開河故道自黃陵岡引河入淮於是復分二派紀要云賈魯河自黃陵岡南經曹縣梁進口下通歸德丁家道口萬氏斯同明代河渠考舊河自虞城達蕭縣北冀門集出徐州小浮橋所謂賈魯故河此南派東南流至徐州達南清河之道俞氏正變癸巳存臺云賈魯河由黃陵岡徑祥符地歷曹縣濮州鄆城汶上壽張陽穀地

今水經注卷一

九求恕齋

復至壽張沙灣之積水開入會通河此北派東北流過濮州境達北清河之道明世兩派迭為微盛下經附記云河舊在開封府城四十里東至虞城下達山東濟甯州界洪武二十四年決原武黑陽下東逕府城北五里又東南至項城縣出境入淮正統十三年又決滎陽縣東逕府城西南又東南逕陳留自毫入渦口又逕蒙城至懷遠入淮南道屢移明志正統十三年潰壽張沙灣明年置分水關設三空放水自大清河入海宏治三年又自東平北至興濟鑿小何十二道入大清河及古黃河以入海北道亦屢移至宏

治八年築塞黃陵岡及荊隆等口北流始絕南派專行矣邱濬大學衍義補云自宋以前河自入海元人排河入淮東北之道猶微有存焉者今則以一淮受眾水之歸無涓滴之滲漏邱書進於成化二十三年前大行堤之築九年曹濮之流塞而後通蓋河不兩行時合時分經據其分不據其合者以一統志為主也今河又自蘭儀北出長垣東明入曹濮合魏河貫壽張東河南派復絕水經注圖云咸豐五年銅瓦廂決大河北流由大清河入海與正統中北決之道合與此經全不相合矣

今水經注卷一

三求恕齋

今水經注卷一

今水經注卷二

錢塘吳承志纂

吳興劉承幹校

北水

汾水至平遙介休過汾州城東二十五里南入平陽府境

紀要云汾水入汾州府平遙縣界經西及汾州府東又南經孝義縣東介休縣西入平陽府霍州靈石縣境經先平遙後汾州亦誤

歷襄陵太平之東過絳州稷山河津北過滎河西注於

今水經注卷二

一求恕齋

河

提綱云汾水於平陽西北分爲二派一南流稍西經襄陵縣城東一西南流支渠如織經城北及城西曲而東南復合經云歷襄陵東不數西流一派也過絳上別本有南字據下文云北過滎河此文自當云南過絳州稷山河津今本傳寫脫之汾口在龍門南五十里明志云河津汾水舊由滎河縣北睢邱入河隆慶四年東徙經縣西南葫蘆灘入河

渭水源出臨洮府渭源縣西二十五里南谷山至鳥鼠山下轉而東流

提綱渭水源出渭源縣西鳥鼠山一名青雀山南北兩源北源發北麓分水嶺東南流經縣城北又東稍南南源水自城西南東北流會焉南源出鳥鼠山南麓大樹下南谷山卽北麓支峰也雖指云縣志鳥鼠山在縣西二十里南谷山在縣西二十五里鳥鼠與南谷相去才五里當是一山後人強生分別耳經云出南谷不云出鳥鼠者用林之奇尙書詳解之說許君說文解字云渭水出隴西首陽渭首亭南谷東南入河杜林說夏書以爲出鳥鼠山許以杜說爲別一義則漢人已先有此說矣

今水經注卷二

二求恕齋

至華陰界沮水北來注之沮水來自延安宜君縣至耀州富平縣合漆河漆河源出扶風古漆縣西北逕同官縣東南入于渭同沮水至同州朝邑縣東南入于渭蔡沈書集傳漆水寔宇記自耀州同官縣東北界來經華原縣合沮水沮水地志出北地郡直路縣東今坊州宜君縣西北境也寔宇記沮水自坊州昇平縣北子午嶺出俗號子午水下合榆谷慈烏等川遂爲沮水至耀州華原縣合漆水至同州朝邑縣東南入渭經注本之惟增入漢志漆縣之說寔宇記有兩沮水一出昇平縣北一在華原之邠州入縣界合漆水入富平石川河傳合爲一以水經注言沮水自直路